

谓。《金匱》云：肺痛，喘而不得眠，即胀也。《千金》重申其义曰：肺胸痛满胀，故知葶苈泻肺汤非泻肺也，泻肺中壅胀。今有此证，必用此方，乃以葶苈子五钱，大黑枣十二枚。

凡五进，痛渐止，咳亦爽。其腥臭挟有米粥状之痰，即腐脓也。后乃以《千金》葶苈汤，并以大小蓟、海藻、桔梗、甘草、杜赤豆出入加减成方。至八月朔日，先后凡十五日有奇，用药凡十余剂，始告全瘥。九月底其人偶受寒凉，宿恙又发，乃嘱兼服犀黄醒消丸，以一两五钱分作五服。服后，腥臭全去，但尚有绿色之痰，复制一料服之，乃愈，而不复来诊矣。

姜佐景按：本案并略见《金匱发微》。后历检吾师医案，乃得本案之先后全方，两相对照，更易昭然。特再附诸方于下，谅阅者当不嫌重复也。

陈左 住浦东陆家渡

初诊 七月十二日

肺痛，咳嗽，胸中痛，上连缺盆，而所吐绝非涎沫，此与悬饮内痛者，固自不同，宜桔梗甘草汤。

桔梗五钱 甘草五钱

二诊 七月十八日

五进桔梗汤，胸中痛止，而左缺盆痛。此肺脏壅阻不通也，宜葶苈大枣泻肺汤。

葶苈子五钱 黑大枣十二枚（先煎）

三诊 七月二十四日

五进泻肺汤，左缺盆痛止，痰黄厚，时见腥臭及如米粥者。此湿邪去而燥气胜也，宜《千金》葶苈汤。

鲜芦根四两 生苡仁一两 桃仁五十粒

冬瓜子五钱

四诊 七月二十九日

服《千金》葶苈汤五剂后，咯出之痰腥臭止，而如米粒者亦除。